

Sana Ptol. *Sana Julia* Itinerariæ Tabulæ: vulgo *Siena*, Roma distans 10000 stadiis edito sita est loco, cis Ar-
biam, flexu sinuoso propter Montis dorsum, lateribus angustior & proclivior, tria habens quasi cornua:
quorum quod Meridiem spectat, latius est iis, quæ ad Ortum sunt & Occasum. Cælo utitur benigno & sa-
lubri, nisi quod subinde noxiis infestetur ventis: Aere temperatissimo. *Italia delirias* multi vocant Poetæ. *Str-*
ta est *Sana* latere coctili, plateis recta & longa, alta Turribus. Frequentia nitet nobilium Edificiorum. Cives
cum suavisimis, tum elegantissimis sunt moribus: maximaque humanitate, erga externos etiam præditi: quæ-
stui dediti & civilis vitæ muneribus. *Perusia* Ptol. *Perusium* Eutropio & Itinerariæ Tabulæ. Hodie *Berugia I-*
talis. Colli insidet Apennini: natura loci permunita. Edificia habet cum publica, tum privata, valde nobilia,
ampla, excelsa. *Viterbium* jacet specioso spacioque loco, jugis Cyminiis a tergo imminentibus; Lapide qua-
drato ædificata: Turribus plena. Inter opera publica Fons est insignis, & maxima cum admiratione copiosus.
Vrbicarius illi Ager bonus & fertilis: Vino abundans & Frugibus. *Lacus* in Etruria visuntur non pauci. *Tra-*
sumenus Livio aliisque, *Trasimenus* Silio, hodie ab urbe vicina *Lago de Perugia*. *Aprilis Lacus* Antonino, hodie
Fangosa Palude. *Marinus* qui & *Salsus*: *Lago d'Orbitello*, vernacule *Lacus Vadimonis*: *Ciminius*: *Volsiniensis*; *Sa-*
batus: *Palus Bientina*: *Ciana*. Fluvii scatet piscium optimorum fecundissimis, qui sunt *Laurentia*, *Frigidus*, *An-*
ser, *Arnus*, *Cecinna*, *Cornia*, *Alma*, *Brunus*, *Umbro*, *Osa*, *Albengia*, *Floris*, *Martha*, *Minio*, *Eris*, *Vacina*, *Sanguina-*
ria, *Aron*, & alii nonnulli. Habet & saluberrima Balnea, nobilissimas Thermas, aliasque Aquas mirabili præ-
ditas virtute. Montes hic sese offerunt cum alii, tum *Ciminius* Livio Vibioque notus: nec non *Virgilio*. *Soractes*
Plin. *Monte de S. Silvestro* hodie. *Fesulanus* Montes hebet etiam in Etruria *Orosius*: *Cortonenses* etiam ibidē sunt
ad Septentrionem *Trasumeni Lacus*. *Silvæ*, *Volsiniensium Lucus*, *Silva Ciminia*, *Mæsia*. Academias habet *Pisis*,
Sana & *Perusia*. Bibliothecas item varias, *Pisæ* apud Dominicanos: *Luceæ* apud Franciscanos: In Vrbe Floren-
tina VI: Senæ I & *Perusiæ*. Etruscos porro gentem Italiæ opulentissimam Armis, Turibus, Pecunia esse aiunt
Livius & Diodorus. Cerimoniis maxime semper addictos fuisse, constat ex antiquis Scriptoribus, ut qui Sacri-
ficia, Divinationes, Auguriaque primi Italorum invenerint, eaque Romanis tradiderint, Tullio de Divinatione,
aliisque notantibus. Episcopatus *Tusciæ* hi commomerantur a Mercatore, *Nepefinus*, *Castellanensis*, *Montis Falco-*
nis, *Viterbiensis*, *Suavenensis*, *Soano* opinor: *Castellanus*, *Vulturnus*, *Senensis* Archiep. *Fesulanus*, *Zarzanensis*, *Sutri*, *Or-*
tanensis, *Cornetanensis*, *Tuscanensis*, *Clusinus*, *Aretinus*, *Pientinensis*, *Pontito* forte, *Pistoriensis*, *Binenis*, *Cortonensis*, *Ci-*
vitatenis, *Balneorigensis*, *Urbevetanus*, *Castrensis*, *Perusinus*, *Grossetanus*, *Lucanus*, *Florentinus*, Arch. *Lunensis*: *Pisæ*
Archiep. cui subsunt *Messanensis*, *Civitatenis* & reliqui Episcopatus in Corsica.

Lacus.

Flumina.

Montes.

Silva.

Academia.

Bibliotheca.

Mores.